



Coimisiún na Scrúduithe Stáit
State Examinations Commission

Scrúdú Deiridh na Sraithe Sóisearaí, 2024

Gaeilge T2

Gnáthleibhéal

Déardaoin 6 Meitheamh Maidin 9:30 - 11:30

270 marc

Scrúduimhir

<input type="text"/>	<input type="text"/>	<input type="text"/>	<input type="text"/>	<input type="text"/>
----------------------	----------------------	----------------------	----------------------	----------------------

Dáta Breithe

<input type="text"/>	<input type="text"/>	/	<input type="text"/>	<input type="text"/>	/	<input type="text"/>	<input type="text"/>
----------------------	----------------------	---	----------------------	----------------------	---	----------------------	----------------------

Scríobh 3 Feabhra 2005
mar 03 02 05, mar shampla

Stampa an Ionaid

Treoracha

Tá **dhá** roinn sa pháipéar seo.

Roinn A	60 marc	Cluastuiscint	3 ceist
Roinn B	210 marc	Léamh, Ceapadóireacht agus Litríocht	6 ceist

Freagair gach ceist.

Bíodh na freagraí i nGaeilge ach amháin nuair nach gá é sin.

Níl gach ceist ar cómharc. Luaitear líon na marcanna atá ag gabháil le gach ceist ag barr na ceiste.

Scríobh do Scrúduimhir agus Lá agus Mí do Bhreithe sna boscaí ar an gclúdach tosaigh.

Scríobh do chuid freagraí **le peann gorm nó le peann dubh. Ná húsáid peann luaidhe.**

Scríobh do chuid freagraí sna spásanna atá curtha ar fáil sa leabhrán seo. Tá spás i gcomhair obair bhreise i ndeireadh an leabhráin. **Lipéadaigh aon obair bhreise go soiléir le huimhir na ceiste agus leis an gcuid den cheist.**

Déanfar an leabhrán scrúdaithe seo a scanadh agus is ar scáileán a chuirfear do chuid oibre i láthair an scrúdaitheora. **Mar sin is féidir nach bhfeicfidh an scrúdaitheoir aon rud a scríobhfaidh tú taobh amuigh de bhoscaí na bhfreagraí.**

Ceist 1

(20 marc)

Cloisfidh tú píosa cainte sa cheist seo. Cloisfidh tú an píosa cainte **faoi dhó**. Beidh sos ann leis na freagraí a scríobh tar éis na chéad éisteachta agus tar éis an dara héisteacht.

(a) Cén pictiúr a théann leis an bpíosa cainte seo? Cuir **tic** (✓) leis an bpictiúr ceart.



(b) Cuir **tic** (✓) le **dhá** chineál peata a thugann daoine chuig an gclinic.

Madraí

Capaill

Éin

Caoirigh

(c) Cén uair a thugann daoine a gcuid peataí chuig an gclinic?
Cuir **tic** (✓) leis an bhfreagra ceart.

Nuair a bhíonn siad tinn.

Nuair a bhíonn siad ar laethanta saoire.

Nuair a bhíonn siad i nDún na nGall.

Ceist 2**(20 marc)**

Cloisfidh tú fógra sa cheist seo. Cloisfidh tú an fógra **faoi dhó**. Beidh sos ann leis na freagraí a scríobh tar éis na chéad éisteachta agus tar éis an dara héisteacht.

- (a)** Cé atá ag caint san fhógra seo?
Cuir **tic** (✓) leis an bhfreagra ceart.

Gadaí

Úinéir tí

An Garda Síochána

- (b)** Cén contae a luaitear sa phíosa seo?
Cuir **tic** (✓) leis an bhfreagra ceart.

Contae Chiarraí

Contae Chorcaí

Contae Dhún na nGall

- (c)** Luaigh rud **amháin** a goideadh as an teach.

- (d)** Luaigh rud **amháin** a mholann na Gardaí don phobal.



Ceist 3

(20 marc)

Cloisfidh tú comhrá sa cheist seo. Cloisfidh tú an comhrá **faoi dhó**. Cloisfidh tú an comhrá ó thús deireadh an chéad uair. Ansin cloisfidh tú ina **dhá** mhír é. Beidh sos ann leis na freagraí a scríobh tar éis gach míre díobh.

Mír 1

(a) Cá háit a bhfuil Liam? Cuir **tic** (✓) leis an bpictiúr ceart.



(b) Scríobh síos bia **amháin** a d'ith Liam inné.

Mír 2

(c) Cén réiteach an-simplí atá ag Liam ar an scéal?
Cuir **tic** (✓) leis an bhfreagra ceart.

Fanacht sa leaba agus gan dul ar scoil.

Éirí as an leaba agus dul ar scoil.

Cabhrú lena mham sa teach ar feadh an lae.

(d) Cén t-am a bheidh an scrúdú Mata ar siúl?

Ceist 4

(20 marc)

Léigh an **fógra** seo a leanas agus freagair na ceisteanna a ghabhann leis.



Kellie Harrington

ag caint le Rick O'Shea

Staid Aviva,
Baile Átha Cliath 4

Dé Sathairn, 7 Iúil ar 7.00 p.m.

Ticéid €25



Bronnfar cóip shínithe de leabhar Kellie ar gach duine a bheidh i láthair.
Is féidir an leabhar a cheannach i siopaí Eason ar fud na tíre agus ar líne freisin ag www.leabharmaithe.com

- Cóip faoi chlúdach cruá: €18.00
- Cóip faoi chlúdach bog: €12.00
- Ríomhleabhar: €10.00

(a) Cuir in iúl cé acu **fíor** nó **bréagach** atá na habairtí seo a leanas. Cuir **tic** (✓) sa bhosca ceart.

	Fíor	Bréagach
(i) Beidh Kellie Harrington ag caint le Rick O'Shea.	<input type="checkbox"/>	<input type="checkbox"/>
(ii) Beidh Kellie Harrington i siopa Eason ar an Satharn 7 Iúil.	<input type="checkbox"/>	<input type="checkbox"/>
(iii) Tá €18 ar chóip den ríomhleabhar.	<input type="checkbox"/>	<input type="checkbox"/>
(iv) Tá ticéad ag teastáil don imeacht seo.	<input type="checkbox"/>	<input type="checkbox"/>
(v) Bronnfar cóip shínithe den leabhar ar gach duine a bheidh i láthair.	<input type="checkbox"/>	<input type="checkbox"/>

(b) Cá háit ar féidir cóipeanna den leabhar a cheannach?


(c) Cén praghas atá ar chóip den leabhar faoi chlúdach bog?

Léigh an fógra seo.



FÓGRA
Paul Mescal
Halla na Scoile
Tabharfaidh an t-aisteoir Paul Mescal cuairt ar an scoil tráthnóna Déardaoin, 20 Meitheamh 2024. Beidh sé ag caint faoina shaol mar aisteoir agus freagróidh sé ceisteanna ó na scoláirí.
Ag tosú ar 2.30 p.m.
Bígí ann!

Scríobh teachtaireacht chuig cara leat ag insint dó/di faoi chuairt Paul Mescal ar do scoil. Tabhair **cuireadh** dó/di teacht leat chun Paul Mescal a fheiceáil.



Léigh an **fógra** seo a leanas agus freagair na ceisteanna a ghabhann leis.

Cúrsa Gaeilge sa Ghaeltacht

Coláiste na Coille

Conamara

Co. na Gaillimhe

(Cúrsa seachtaine: Lúnasa 12-18)

Caith seachtain sa Ghaeltacht an samhradh seo

Imeachtaí:

- Ranganna Gaeilge ar maidin
- Cluichí, snámh agus siúlóidí sa tráthnóna
- Damhsa, ceol agus amhránaíocht sa halla san oíche
- Caint agus comhrá le daoine áitiúla
- Turas go hOileáin Árann ag deireadh na seachtaine



Cúrsa seachtaine do scoláirí meánscoile

- Lóistín ar fáil le daoine áitiúla
- Costas €300
- An spriocdháta chun clárú: 18 Meitheamh 2024
- Tuilleadh eolais: eolas@colaistenacoille.ie

(a) Cén saghas cúrsa atá luaite ar an bpóstaer?
Cuir **tic** (✓) leis an bhfreagra ceart.

Is cúrsa ceoil agus damhsa é.

Is cúrsa faoi Chonamara é.

Is cúrsa Gaeilge sa Ghaeltacht é.

(b) Cá fhad a mhaireann an cúrsa?
Cuir **tic** (✓) leis an bhfreagra ceart.

Lá amháin

Seachtain

Deireadh seachtaine

(c) Cad a bheidh ar siúl ar maidin?
Cuir **tic** (✓) leis an bhfreagra ceart.

Amhránaíocht

Damhsa agus ceol

Ranganna Gaeilge

(d) Cad a bheidh ar siúl sa tráthnóna?
Cuir **tic** (✓) leis an bhfreagra ceart.

Turas go hOileáin Árann

Cluichí, snámh agus siúlóidí

Damhsa, ceol agus amhránaíocht

(e) Luaigh imeacht **amháin** a bheidh ar siúl sa halla san oíche.

(f) Cad a bheidh ar siúl ag deireadh na seachtaine?

(g) Cén costas atá ar an gcúrsa?

(h) Cad é an spriocdháta chun clárú don chúrsa?

(i) Ar mhaith leat féin freastal ar chúrsa Gaeilge sa Ghaeltacht? Tabhair cúis **amháin** le do fhreagra.

Léigh an píosa seo a leanas agus freagair na ceisteanna a ghabhann leis.


Taylor Swift: Réalta Cheoil

1. Is amhránaí agus giotáraí iontach í Taylor Swift. Tá clú agus cáil uirthi in Éirinn agus ar fud an domhain. Thosaigh sí ag canadh amhrán nuair a bhí sí an-óg agus nuair a bhí sí dhá bhliain déag d'aois, thosaigh sí ag seinm an ghiotáir. Bhíodh sí ag seinm ceoil sna caiféanna áitiúla ina dhiaidh sin. Bíonn na milliúin duine ag éisteacht le ceol Taylor Swift gach lá anois.



2. Rugadh Taylor Swift in Reading, Pennsylvania i Meiriceá ar an 13 Nollaig 1989. Scott agus Andrea is ainm dá cuid tuismitheoirí. Tá deartháir amháin aici atá níos óige ná í. Austin is ainm dó agus is aisteoir é. Bhí cónaí ar an teaghlach ar fheirm a cheannaigh a hathair. Thuig tuismitheoirí Taylor go raibh bua an cheoil aici. Chuir siad go Nua-Eabhrac go minic í nuair a bhí sí ina déagóir chun freastal ar ranganna ceoil agus aisteoireachta.

3. Bhí Taylor ag iarraidh clú agus cáil a bhaint amach mar réalta cheoil. Bhog an teaghlach go baile in aice le Nashville, Tennessee, nuair a bhí sí ceithre bliana déag d'aois. Bhí domhan an cheoil timpeall uirthi ansin agus sa bhliain 2004, thosaigh sí ag scríobh agus ag taifeadh a cuid amhrán féin. D'éisigh sí a céad albam, *Taylor Swift*, sa bhliain 2006 agus moladh go hard é. Chuir sí na hamhráin ón albam sin ar YouTube agus ar Facebook.



4. Sa bhliain 2007, ainmníodh Taylor Swift mar Chumadóir/Cheoltóir na Bliana. Ba í Taylor Swift duine ab óige riamh a bhain an gradam sin amach. Fuair sí a lán poiblíochta sna nuachtáin, ar an teilifís agus ar na meáin shóisialta. D'fhás a lucht leanúna go mór ina dhiaidh sin. Chuaigh an t-amhrán "Look What You Made Me Do" óna halbam *Reputation* (2017) go barr na gcairteacha i Meiriceá, in Éirinn agus in go leor tíortha eile ar fud an domhain.

5. Tá a lán albam eisithe ag Taylor Swift. D'éirigh thar barr leo ar fad. Is í Taylor an duine ba mhó ar éisteadh lena cuid ceoil ar Spotify sa bhliain 2023. Beidh sí ar camchuairt in Éirinn ag deireadh mhí an Mheithimh i mbliana. Beidh ceolchoirmeacha aici i mBaile Átha Cliath. Díoladh na ticéid go léir taobh istigh de chúpla nóiméad. Ní haon ionadh go bhfuil Taylor Swift ina billiúnaí anois.

(a) Cén aois a bhí Taylor Swift nuair a thosaigh sí ag seinm an ghiotáir? (Alt 1)
Cuir **tic** (✓) leis an bhfreagra ceart.

12 bhliain d'aois

13 bliana d'aois

14 bliana d'aois

(b) An mbíonn a lán daoine ag éisteacht le ceol Taylor Swift gach lá? (Alt 1)
Cuir **tic** (✓) leis an bhfreagra ceart.

Bíonn cúpla duine ag éisteacht le ceol Taylor Swift.

Bíonn roinnt daoine ag éisteacht le ceol Taylor Swift.

Bíonn na milliúin duine ag éisteacht le ceol Taylor Swift.

(c) Cén dáta breithe atá ag Taylor Swift? (Alt 2)

(d) Cén fáth ar chuir tuismitheoirí Taylor go Nua-Eabhrac í? (Alt 2)

(e) Cén bhliain a d'eisigh Taylor Swift a céad albam? (Alt 3)

(f) Luaigh áit **amháin** a bhfuair Taylor Swift a lán poiblíochta. (Alt 4)

(g) Cén bhliain a raibh an t-amhrán "Look What You Made Me Do" ar bharr na gcairteacha? (Alt 4)

(h) Cathain a bheidh Taylor Swift ar camchuart in Éirinn? (Alt 5)

(i) Beidh **Féile Cheoil** ar siúl go luath i do cheantar. Scríobh amach an fógra/póstaer sa spás thíos faoin bhféile cheoil sin. Scríobh faoi na pointí seo a leanas:

- ceoltóir/ceoltóirí
- áit
- praghas na dticéad
- dáta agus lá
- am
- pointe ar bith eile

(a) Léigh na habairtí seo (1-6). Meaitseáil iad leis na pictiúir thíos. Scríobh an uimhir cheart faoi gach pictiúr. Tá an chéad cheann déanta mar shampla duit.

- (1) Téann daoine ag snámh agus ag sú na gréine anseo.
- (2) Tá a lán crann anseo agus bíonn ceol na n-éan le cloisteáil ann.
- (3) Bíonn daoine ag imirt cluichí agus ag traenáil anseo.
- (4) Is áit ard an áit seo agus is maith le daoine a bheith ag siúl ann.
- (5) Téann daoine ag iascaireacht san áit seo.
- (6) Bíonn a lán carranna á dtiomáint anseo.

(b) Scríobh síos ainm na háite atá le feiceáil i ngach pictiúr thíos. Tá an chéad cheann déanta mar shampla duit.



Abairt: 4
 Áit: *Sliabh*



Abairt:
 Áit:



Abairt:
 Áit:



Abairt:
 Áit:



Abairt:
 Áit:



Abairt:
 Áit:

Admhálacha

Íomhánna

- Na híomhánna ar leathanach 3: Coimisiún na Scrúduithe Stáit
An íomhá ar leathanach 4: www.myhomesecuritypro.com
Na híomhánna ar leathanach 5: Coimisiún na Scrúduithe Stáit
Na híomhánna ar leathanach 6: www.easons.ie, www.dublinlive.ie
An íomhá ar leathanach 7: www.rte.ie
Na híomhánna ar leathanach 8: www.gaelinn.ie, www.donegaldaily.ie
Na híomhánna ar leathanach 10: www.britanica.com, www.rollingstone.com
Na híomhánna ar leathanach 12: Coimisiún na Scrúduithe Stáit
Na híomhánna ar leathanach 13: Coimisiún na Scrúduithe Stáit

Téacsanna

- An téacs ar leathanach 6: bunaithe ar fhoinsí éagsúla
An téacs ar leathanach 7: bunaithe ar fhoinsí éagsúla
An téacs ar leathanach 8: bunaithe ar fhoinsí éagsúla
An téacs ar leathanach 10: bunaithe ar fhoinsí éagsúla

Ná scríobh ar an leathanach seo

Fógra cóipchirt

D'fhéadfadh sé go bhfuil téacsanna nó íomhánna sa scrúdpháipéar seo nach é Coimisiún na Scrúduithe Stáit úinéir an chóipchirt orthu, agus d'fhéadfadh sé gur athchóiríodh iad, chun críche an mheasúnaithe, gan cead na n-údar a fháil roimh ré. Ullmhaíodh an scrúdpháipéar seo de réir Alt 53(5) den *Acht um Chóipcheart agus Cearta Gaolmhara, 2000*. Ní údaraítear aon úsáid dá éis chun aon chríche ach amháin chun na críche dá bhfuil sé beartaithe. Ní ghlacann an Coimisiún aon dliteanas as sárú ar bith ar chearta tríú páirtí a eascraíonn as dáileadh ná as úsáid neamhúdaraíthe an scrúdpháipéir seo.

Scrúdú Deiridh na Sraithe Sóisearaí – Gnáthleibhéal

Gaeilge T2

Déardaoin 6 Meitheamh

Maidin 9:30 - 11:30